



Broj: T01 0 KT 0041333 22
Bihać, 16.09.2024. godine

OPĆINSKOM SUDU U CAZINU
-Sucu za prethodno saslušanje-

Na osnovu člana 45. stav 2. točka h) u vezi sa članom 241. stav 1. i članom 350. stav 1. i 2. Zakona o krivičnom postupku F BiH (u daljem tekstu ZKP F BiH) podižem:

OPTUŽNICU

PROTIV:
A. D.

DA JE

Dana 02.05.2022. godine, oko 16,45 sati, u mjestu R., općina C., na regionalnom putu R-401b, upravljajući prijevoznim sredstvom – putničkim motornim vozilom marke BMW, registarskih oznaka (...), krećući se iz smjera C. u smjeru B., svjestan da kao sudionik u prometu ne pridržavajući se prometnih propisa može ugroziti javni promet dovodeći u opasnost život ljudi, ali olako držeći da takva zabranjena posljedica neće nastupiti, postupio suprotno odredbi člana 39. stav 1. Zakona o osnovama sigurnosti prometa na putevima u Bosni i Hercegovini („Službeni glasnik BiH“ broj: 6/06, 75/06, 44/07, 84/09, 48/10, 18/13, 8/17 i 9/2018), ne pazeći na pravac i putanju pružanja puta, uslijed nepažnje i neadekvatne reakcije na upravljački sustav vozila kojim je upravljao, izgubio je kontrolu nad istim, što je dovelo do zanošenja vozila i njegovog prelaska na površinu kolničke trake namijenjene za kretanje vozila iz suprotnog smjera, u kojem trenutku je iz suprotnog smjera naišlo prijevozno sredstvo – putničko motorno vozilo marke Mercedes, slovenskih registarskih oznaka (...), kojim je upravljao I. D. krećući se iz smjera B. u smjeru C. kolničkom trakom namijenjenom za kretanje vozila u navedenom smjeru, uslijed čega je na površini lijeve kolničke trake gledano u smjeru B. došlo do kontakta lijeve bočne strane vozila BMW (zadnjim lijevim vratima) sa prednjom krajnje lijevom stranom vozila Mercedes, a uslijed kojeg je kontakta putnica iz vozila Mercedes, A. I., zadobila tjelesne ozljede u vidu nagnječno-razderne rane čeonog dijela glave, prijeloma srednjeg dijela desne golenjače, nagnječenja lijevog koljena s oguljotinom kože, koje su u okviru teške tjelesne ozljede, dok su putnica iz navedenog vozila, E. I., te putnici iz vozila BMW, M. A. i E. Dž., zadobili lake tjelesne ozljede,

Dakle, iz nehaja, kao sudionik u prometu na putevima nije se pridržavao prometnih propisa i time tako ugrozio javni promet da je doveo u opasnost život ljudi, uslijed čega je jedna osoba zadobila tešku tjelesnu ozljedu,

Čime je počinio krivično djelo Teška krivična djela protiv sigurnosti javnog prometa iz člana 336. stav 3. u vezi sa krivičnim djelom Ugrožavanje javnog prometa iz člana 332. stav 3. u vezi sa stavom 1. istog člana KZ F BiH.

Na osnovu izloženog, a temeljem odredbi člana 350. stav 1. i 2. ZKP F BiH, predlažem da Sud donese presudu kojom se osumnjičeni A. D. oglašava krivim za krivično djelo iz Optužnice te da mu izda sljedeći:

KAZNENI NALOG

Osumnjičenom A. D., s općim podacima kao u Optužnici, zbog krivičnog djela Teška krivična djela protiv sigurnosti javnog prometa iz člana 336. stav 3. KZ F BiH u vezi sa krivičnim djelom Ugrožavanje javnog prometa iz člana 332. stav 3. u vezi sa stavom 1. istog člana KZ F BiH, izriče se:

UVJETNA OSUDA

S tim što mu se utvrđuje kazna zatvora u trajanju od 1 (jedne) godine, koja kazna se neće izvršiti ukoliko osumnjičeni ne počini novo krivično djelo u roku od 2 (dvije) godine od dana pravomoćnosti presude.

PRIJEDLOG dokaza koje treba izvesti

- 1. Da se ispitaju svjedoci:**
- 2. Da se ispita vještak:**
- 3. Da se pročita:**
- 4. Da se pregleda:**

REZULTATI ISTRAGE

Dokazi koji potkrepljuju navode optužnice

KANTONALNA TUŽITELJICA